

vinciæ maximo nomen habuit, ac tum isthic regum Cy erat Regia, quibus extintis ab Hana familia urbi Cinan nomen factum, quia vere ad Ci fluminis australem partem jacet, quod Cinan significat. mutavit deinde nomen & sub Tauga familia Linchi dicta est, sed Taiminga Cinan verum illius nomen restituit.

*Situs, ac
commodi-
tas.*

Ingens & frequens est urbs ædificiorum splendore ac magnitudine inclyta, paludosæ jacet loco, intra & extra mœnia lacus habet, ac proinde tota naviculis pervia est, ita tamen ut pedes quoque totam perambulare possis, eam ob rem pontes lapideos numerat non paucos, inter quos Pehoa pons est pluribus fornicibus arcuatus, qui insulam cognominem in lacu Taming jungit, atque inde procurrens ad alteram usque ripam pertingit, clauditurque ipsis urbis mœniibus. Est & alias pons Fuyung dictus, supra eundem lacum Taming quadrato saxe strutus, superiori nihilo inferior.

Eadem in urbe rex ex Taiminga familia sedem habuit, sed hâc ibi à Tartaris extincta, nil præter palatia ac viridaria reliquit. Idolorum, Heroumque hic fana plurima, decem illustriora sunt, at longo intervallo omnia superat fanum Tungo, jam inde ab Hoangtio fabricatum, in quo scribunt reges omnino duos supra septuaginta quietos ac pacis amantes, rebusque religionis studentes vixisse, unde superbis magnificisque molibus, ac splendidissimis ædificiis nitet, amplis ibi Bonzii sacrificuli gaudent redditibus: pulcherrima quædam tum regum tum magnatum in montibus sepulchra visuntur, sed & Societas Jesus in hac urbe vero Deo dicatum habet templum, patresque duos, qui isthic loci in vinea Domini, legisque Dei promulgatione egregie laborant.

*Regionis
qualitas.*

Tanta est hujuscce regionis ac territorii præstantia atque nobilitas, ut nulli fere alteri ex Borealibus Provinciis cedat, lætiſſimæ hic luxuriant segetes, frumenti ac milii ingens proventus est, nec defunt armenta ac greges: numerat sub se civitates triginta. 1 Cinan, 2 Changkieu, 3 Ceuping, 4 Chagxan, 5 Sinching, 6 Ciho, 7 Ci-tung, 8 Ciyang, 9 Chichuen, 10 Juching, 11 Linye, 12 Changc'ing, 13 Fiching, 14 Cingching, 15 Ling, 16 Taigan, 17 Sintai, 18 Laiuu, 19 Teo, 20 Teping, 21 Pingyuen, 22 Vuting, 23 Yangsin, 24 Haifung, 25 Loling, 26 Xangho, 27 Pin, 28 Licin, 29 Chenhoa, 30 P'uta'i.

*Montes
insigni-
res.*

Hoang mons ingens prope Changkieu

incipit, inde usque ad Cichuen extenditur & ad Ceuping finitima transit. Changpe mons ad Changxan civitatem incipit, pertingitque usque ad Ceuping: in eo nominatissimum idolorum fanum est. Tai mons altissimus ac maximus est ad Taigan, illius altitudinem Sinae faciunt quadraginta stadiorum, ex ejus vertice ad primum galli cantum Solem se videre posse perhibent: in hoc monte cavernæ multæ, altissimi vertices, ac plurima idolorum fana sunt cum innumeris sacrificulis, qui vitam ibi degunt eo fere modo, quo nostri Eremi incolæ.

Prope Laiuu est Taxe mons, ex quo ferrum effoditur.

Flumina.

Ipsum mare Pin, Licin, Haifum, Chen-hoa civitatum terras alluit. Intra ipsam urbem ad ejus Occidentalem partem Taming lacus est, ex quo canalis exiens ad Choyng lacum tendit, qui etiam intra mœnia est: ex utroque hoc Lacu per totam urbem egregio opere ducti canales eam ubique navigabilem reddunt, imo & ad lacum Cioxan patet exitus, qui extra urbem ad Borealem partem est.

Maximus lacus est ad Changkieu, Peyun dictus, piscium copia, fructu Linkio, ac Lien floribus abundat, quos alibi describo.

Ad urbis australem partem duo supra septuaginta numerantur fontes. ex iis unus Kiuto dictus, reliquos aquæ præstantia superat.

Yo fluvius ad Changkieu fluit, ejus origo ibidem in monte Hosien est.

Secunda Urbs

Y E N C H E V.

Situs.

HVjus urbis territorium sub Yvo Imperatore in duas erat partes divisum, quarum una ad Provinciam Yencheu, altera ad Siucheu pertinebat, adeoque duplice suberat asterismo, Quei nimirum & Leu: totum modo inter duo nobilissima flumina Ci & Croceum clauditur. illud ad Boream, hoc ad Austrum sitam regionem rigat, quæ amoënis campis, sylvosis montibus, piscosis lacubus ac fluminibus lata est, totaque culta, aër mitis ac clemens, terra rerum omnium fertilis. Fuit hic olim regnum Lu, & urbs Xanyang dicta, mox Çu reges occuparunt. Sunga familia Taining dixit, at semper fere etiam hodiernum nomen Yencheu retinuit. præest civitatibus septem & viginti. 1 Yencheu, 2 Kioheu, 3 Niug-

*Civita-
tes.*